

Froge

Musik & Text Björn Heuser / Verlag: Dabbelju

Wer hätt jeschrevve, dat nur der Stärkere jewannt,
wer hätt jeschrevve, dat ne Kreech Fredde brengk?
Wer hättjesaat, et Lääve hätt ne Senn,
un wä kann sich vürstelle, dat de Sunn ens nit mieh schingk?

Wer schriev Böcher, die jede Mensch kapiert,
wer will niemohls wesse, wo hä hinjehööt,
wer süht am Eng vum Anfang noch en Chance,
wer es mutig – un wer hätt Angs?

Froge sinn jroß, un Antwoote klein,
manchmol es alles klor, manchmol söökste ne Senn;
Froge sinn jroß, loss se schrumpfe met d'r Zick,
jläuv ahn dich, jläuv ahn die Jlöck, jläuv ahn dich, jläuv ahn die Jlöck!

Wer hätt behauptet, et jing alles d'r Birch eraf,
wer hätt behauptet, et jööv kein Nohbarschaff,
welche Idiot meint, die Moschee wör em Wääsch,
un wer denk, de Minsche wöre schlääsch?

Froge sinn jroß...

Saach künnt et nit vill leichter sinn,
wenn mer einfach levve künnt?
un künnt et nit besser sinn,
wenn mer uns endlich ens einig sinn?